

Testament de vital ordise teyssier
de lin de varenes

Ce jourd huy **trentiesme** du mois d'**aoust mil six cens deux** au lieu de **varenes** viscomte de villemur, dioceze de montauban et sen(echau)cee de th(ou)l(ous)e regnant n(ot)re souverain prince henry par la grace de dieu roy de fran(ce) et de navarre pard(evan)t moy not(air)e royal et()p(rese)ns les tesmoings bas nommez dans la maison du testate(ur) bas nommé estably en sa personne **vital ordise teyssier de lin** dud(it) lieu **de varenes** ; lequel estant]~~dettenu~~[dans un lict d()une salle de lad(ite) ma(is)on dettenu de certaine maladie corporelle toutesfois par la grace de dieu bien voyant oyant parlant et en ses bons sens memoire et()parfaicte cognoissance, considerant n y avoir rien plus certain q(ue) la mort ny rien plus incertain q(ue) l heure d'icelle voulant pourvoir a la disp(osition) de ses biens affin qu'a l advenir n()y aye po(u)r ra(is)on d'iceulx debat ny different entre ses succeuseurs ; non seduict ny suborné ains de son bon gré pure et()franche volonté a faict conduit et ordonné son dernier testament noncupatif et derniere volonté en la forme et maniere q(ue) s'ensuit premiere(men)t a recommandé son ame a dieu le createur le suppliant tres humblement luy vouloir pardonner et effacer ses faultes et offences au nom et()par le merite de la mort et()passion de n(ot)re seigneur jesus christ et aprez son decéz la vouloir collocquer en son royaulme celeste item veult et ordonne led(it) testate(ur) que aprez q(ue) son ame sera separee de son corps ; sond(it) corps soit ensevely au **cimetiere**

.....
lxxii

s(ain)t marsal dud(it) varenes et q(ue) le jo(u)r de sa sepulture soient appelez et()convocquéz cinq p(rest)bres po(u)r f(air)e ses honneurs et()funerailles et que la la novene et bout d()an luy soient faictes et de mesme que chasque fois y soient appeléz cinq p(rest)bres lesquelz veult q(ue) soient payéz et salariéz par son her(itier) bas nommé et de ce s()en remect a sa discre(sion) et veult q(ue) led(it) jo(u)r de sa sepulture novene et bout d()an soit allumee chasque fois une torche d'une livre de cire ch(ac)une item a donné et legue led(it) testate(ur) a **astrugue ordise sa filhe** legitime et naturelle **fem(m)e a gaillard masade de reyniez** la som(m)e de sceitze livres t(ournoi)z payab(le) dans deux ans aprez son decez qu est ch(ac)une annee huict livres et avec l a faict et instituee son heretiere particuliere que ne puisse rien plus demander en ses biens et heredité item aussi donne et legue a **ysabeau barens fem(m)e de pie(rre) cayssel cousturier de varenes sa cousine** la som(m)e de dix soulz payab(le) incontinant aprez son decez par son her(itier) bas nommé et avec ce l a faict son heret(iere) par(ticuli)ere q(ue) ne puisse rine plus demander en sesd(its) biens et heredité et en tous et ch(ac)uns ses biens meub(les) immeub(les) noms voix droictz et actions ou q(ue) soient et luy puissent appartenir de p(rese)nt ou a l advenir led(it) testate(eur) a faict et institué son heretier universel et g(e)n(er)al et l a nommé de sa propre bouche scavoir est **pierre ordise son filz** legitime et naturel et ce dessus led(it) testate(ur) a dict estre son dernier et valab(le) testament noncupatif lequel veult q(ue) vaille et soit valb(le) par droict de testament codicille ou donna(tion) a cause de mort et()par tout au(tr)e droict stil et costume q(ue) pourra mieulx valoir cassant revocquant et annullant tous au(tr)es testamens, codicilles

donna(ti)ons et au(tr)es disp(ositions) precedentes, et q(ue) par ce moyen le

.....
p(rese)nt sorte son plain et entier effect de poinct en poinct selon sa
forme et teneur si a priéz les tesmoings bas nommez qu()il a recogneuz
de ce dessus estre memoratifz et a moy d(it) not(air)e luy en retenir
instrument, ce qu ay faict ez p(rese)nces de m(aîtr)e jean melet prat(icien) de
villemur salvy et vincens guiraudelz fre(re)s pie(rre) calabrusse gerauld
certal laboureur de varenes pie(rre) caissel cousturier jean Trilhes
rodier dud(it) lieu de varenes habitant et je anth(oin)e timbal not(air)e royal
dud(it) villemur requis et soubs(sig)ne avec led(it) melet les au(tr)es et led(it) testate(ur)
ne scavent /

Melet, p(rese)nt

Timbal, not(aire) roy(al)